

Y₃8
628.16
C 95

O'ZBEKISTON RESPUBLIKASI OLIY VA O'RTA
MAXSUS TA'LIM VAZIRLIGI

ABU RAYHON BERUNIY NOMIDAGI
TOSHKENT DAVLAT TEXNIKA UNIVERSITETI

**«SUV TAYYORLASH
TEXNOLOGIYASI VA KIMYOVİY
NAZORAT»**

**FANIDAN TAJRIBA MASHG'ULOTLARI UCHUN
USLUBIY KO'RSATMALAR**

Toshkent – 2013

O'ZBEKISTON RESPUBLIKASI OLIY VA O'RTA
MAXSUS TA'LIM VAZIRLIGI

ABU RAYHON BERUNIY NOMIDAGI
TOSHKENT DAVLAT TEXNIKA UNIVERSITETI

**«SUV TAYYORLASH
TEXNOLOGIYASI VA KIMYOVIV
NAZORAT»**

**FANIDAN TAJRIBA MASHG'ULOTLARI UCHUN
USLUBIY KO'RSATMALAR**

Toshkent – 2013

Tuzuvchilar: Yusupaliyev R.M., Maxkamjanova Sh.K.,
Musashayxova N.A.

«Suv tayyorlash texnologiyasi va kimyoviy nazorat» fanidan
tajriba mashg'ulotlari uchun uslubiy ko'rsatma. – Toshkent,
ToshDTU. 2013. – 32 b.

Ushbu ko'rsatmada issiqlik elektr stansiyalari qurilmalarining
ishonchli, davomiy va tejamli ishlashi uchun, suv tayyorlash, suv
tartibi va ularning kimyoviy nazoratini tashkil etish maqsadida
ishlatiladigan suvlarning ko'rsatkichlarini aniqlash, shunindek,
ta'minot suvini ammiyak, gidrazin eritmasi yordamida, qozon suvini
fosfatlash jarayonlarida texnologik ko'rsatkichlarini hamda
qo'llaniladigan eritmalarining miqdorini aniqlash va hisoblash
masalalari berilgan.

Uslubiy ko'rsatma 5310100 «Energetika» (Issiqlik energetikasi)
yo'nalishi bo'yicha bakalavrlar tayyorlovchi oliy o'quv yurtlari uchun
mo'ljallangan.

Abu Rayhon Beruniy nomidagi Toshkent davlat texnika
universiteti ilmiy-uslubiy kengashining qaroriga binoan chop etildi.

Taqrizchilar: Temirbekova M. – OAJ Yangi Angren IES
kimyo sexi boshlig'i

Shoislomov A. – ToshDTU «KEIT va ET»
kafedrasи dotsenti.

I-TAJRIBA ISHI

TABIY SUVLARNI KOLLOID VA DAG'AL ZARRACHALARDAN KOAGULATSIYA YO'L I BILAN TOZALASH

Ishning maqsadi

Bu tajriba ishida tabiiy suvlarni tarkibida uchraydigan dag'al va kolloid-dispers zarrachalardan qanday tozalash texnologiyasi ko'rsatilgan bo'lib, ishning maqsadi quyidagilardan iborat:

1.Koagulatsiya protsessini suvning pH ni har xil bo'lgan hollarda olib borish.

2.Kegulatsiya natijasini suvning ishqorliligi, tiniqligi va undagi organik moddalarning miqdori o'zgarishi bilan tekshirish.

Nazariy qism

Tabiiy suvlar tarkibida uchraydigan organik va noorganik, shuningdek, kalloid moddalar, issiqlik elektr stansiyalarida suvning bug'ga aylanishi jarayonida isitgichlar devorlarida har xil suvda erimaydigan qattiq moddalar, ya ni "qatlam"lar ajralib chiqishiga sabab bo'ladi. Bunday qatlamlarning issiqlik o'tkazuvchanlik koefitsienti metallar va metall qotishmalarni issiqlik o'tkazuvchanlik koefitsientidan kichik bo'lganligi sababli bug' generatorlarning ishlash jarayonida yoqilg'ilarning ko'proq sarflanishiga, bug' hosil qiluvechi uskunalarining tezroq ishdan chiqishiga va nihoyat, issiqlik elektr stansiyalarining soydali ish koefitsientining pasayib ketishiga sabab bo'ladi.

Yuqorida ko'rsatilgan kamchiliklarga barham berish uchun tabiiy suvlar, elektr stansiyalarida ishlatishdan oldin kimyoviy va termik usullar bilan har xil keraksiz moddalar, zarrachalarning katta-kichikligiga qarab uch guruhga bo'linadi:

1 guruhga suvdagi muallaq dag'al zarrachalar kiradi. Ularning o'chami 100 mmk.dan katta bo'ladi.

II guruhga suvdagi kolloid-dispers zarrachalar kiradi. Bunday kolloid zarrachalarning o'chhami 1 dan 100 mmk, gacha bo'ladi.

III gutuhga suvdagi erigan molekular va ion ko'rinishdagi zarrachalar kiradi. Bunday zarrachalarning o'chhami 1 mmk,dan kichik bo'ladi.


Tabiiy suvlardagi I guruh, ya'ni muallaq dag'al zarrachalar suvda uchraydigan mexanik primeslardan qum, tuproq va shunga oxshash moddalardan iborat bo'lib, bunday moddalar suvning loyqaligini oshiradi. Tabiiy suvlarni bunday dag'al zarrachalardan har xil tindirgich qurilmalarda tindirish orqali tozalanadi. Suv tindirish jarayonida dag'al zarrachalarning zichligi suvning zichligidan katta bo'lsa, bunday zarrachalar tindirgichlarda cho'kadi. Aksincha, ularning zichligi suvning zichligidan kichik bo'lsa, bunday zarrachalar suvning yuziga qalqib chiqadi. Tabiiy suvlar tarkibida uchraydigan kolloid zarrachaclar suvni tindirish natijasida umuman suvdan ajralmaydi. Tabiiy suvlarda asosan quyidagi moddalar, ya'ni kreminniy, temir, aluminiy birikmalar, suvga ko'kish rang beruvchi gumus birikmalar kolloid zarrachalar ko'rinishida bo'ladi. Bunday zarrachalar suvda muallaq holatda bo'lib, erkin holatda cho'kish xususiyatiga ega emas. Bunga sabab tabiiy suvlarning tarkibida uchraydigan kolloid zarrachalar mansiy zaryadlangan bo'lib, bir xil ishorali zarrachalar orasida o'zaro bir-birini itarish elektrostatik kuchi mayjud bo'lganligidan, bunday zarrachalar erkin holatda bir-biri bilan birikib, kattalashish xususiyatiga ega emas. Shuning uchun ham suvdagi bunday zarrachalar erkin cho'kishga qarshi agregat mustahkamligi bo'lgan zarrachalar hisoblanadi. Tabiiy suvlardagi tuproq, qum, shu jumladan suvga rang beruvchi gumus moddalar o'zlarining kimyoiy xossalariga ko'ra amfalist moddalardir.

Amfalist moddalar deb, sharoitga qarab o'z xususiyatini o'zgartiruvchi moddalarga aytiladi. Bunday moddalarda pH ning shunday qiymati borki, unda zarrachalar zaryadi 0 ga teng bo'ladi. Bunday nuqta moddaning izoelektrik pH nuqtasi deyiladi. Amfalist moddaning izoelektrik pH nuqtasi bilan shu modda turgan suvning pH'i orasida qancha katta farq bo'lsa, modda zarrachasi shuncha zaryadlangan bo'ladi. Tuproqning izoelektrik pH nuqtasi 5 ta, gumus moddalarniki 3,5-4 ta ko'pchilik tabiiy suvlarning pH lida esa, 6,5-8,5



atrofida bo'ladi. Bunday sharoitda yuqoridagi moddalarning mansiy zaryadlangan agregat mustahkamligini ko'paytirish yoki 0 ga keltirish va ularni sun'iy usul bilan kattalashtirish kerak.

Demak, suvdagi kalloid zarrachalarni koagulatsiyalash deganda undagi kichik kalloid zarrachalarning bir-biri bilan birikishi va kattalashgan zarrachalarning suvdan ajralib chiqishi tushuniladi. Suvda koagulatsiya jarayonini olib borish uchun unga har xil kimyoviy moddalar qo'shiladi.



Bunday moddalarga aluminiy sulfat $[Al_2(SO_4)_3] \cdot 18 H_2O$, temir sulfat $FeSO_4$ va temir xlorid tuzlari kiradi. Bunday tuzlar suvda gidrolizga uchrab, suvda kam eriydigan gidroksidlarga va kislotalarga aylanadi.




gidroliz natijasida hosil bo'lgan sulfat va xlorid tuzlari koagulatsiya natijasida suvdagi bikarbonat ionlarning parchalanishini ta'minlaydi:





Koagulatsiya jarayonining borishi suvning pH qiymatiga bog'liq bo'ladi. chunki aluminiy va temir gidroksidlari ham amfosit moddalar bo'lib, suvning pH li o'zgarishiga qarab har xil dissotsiyalanadi. Agar suvning pH qiymati 6 dan kichik bolsa, natijasida hosil bo'lgan $Al(OH)_3$ quyidagi reaksiya orqali ishqoriy dissotsiyalanadi.



Umumiy holda $Al(OH)_3 \leftrightarrow Al_3^+ + 3OH^-$ va aksincha suvning pH qiymati 7 dan katta bolsa, $Al(OH)_3$ kislotali dissotsiyalanadi:






Keltirilgan reaksiyalardan ko'rindikti, suvning ishqorligi yoki kislotaligi katta bo'lsa, $Al(OH)_3$ suvda ionlarga parchalanganligi uchun kaogulatsiya jarayonida kalloid zarrachalarining kattalashib, katta zarrachalarga, ya'ni "xlopyaga" aylanishi sodir bo'lmaydi. Agar suvning pH shi 6.5 – 8 oraliq'ida bo'lsa, kaogulatsiya jarayonida $Al(OH)_3$ ionlarga ajratmaydi va gidroliz natijasida hosil bo'lgan barcha $Al(OH)_3$ molekulalari atrofiga har xil kalloid modda zarrachalari yopishishi natijasida ular kattalashib, cho'kmaga tushadi. Suvni kaogulatsiyalash uchun kaogulant sifatida $FeSO_4$ tuzi qo'llaniladi. Bunda $FeSO_4$ tuzi gidrolizlanishi natijasida $Fe(OH)_3$ hosil bo'ladi. Hosil bo'lgan temir ikki gidroksid jarayoni ketishi uchun temir ikki gidroksidni temir uch gidroksidga aylantirish kerak, ya'ni oksidlash kerak.

Oksidlanish jarayoni suvning pH-i 9 – 9.5 bo'lganda tezlashadi. Suvning pH nini 9 – 9.5 ga keltirish uchun kaogulatsiya qilinayotgan suvga ma'lum miqdorda ishqoriy eritma qo'shish kerak. Ko'p hollarda kaogulant sifatida bir vaqtida suvni kaogulatsiyalash hamda qattiqligining cho'kma hosil qilish bilan kamaytirish zarur bo'lgan vaziyatda ishlataladi.


Suvning qattiqligini kamaytirish uchun suvga kalsiy gidroksid eritmasi qo'shiladi. Bunda suvga qo'shilgan kalsiy gidroksid temir ikki oksidni temir uch gidroksidga aylantirishni ham ta'minlaydi, ya'ni:



Bu ikki operatsiyani bir vaqtida olib borish natijasida suvning qattiqligi kamayishi bilan kaogulatsiya jarayoni ham ketadi. Kaogulatsiya natijasida suvning tarkibi quyidagicha o'zgaradi:

Birinchidan, suvdagi $Ca(HCO_3)_2$ birikmalar kaogulatsiya uchun olingan $Al_2(SO_4)_3$ tuzi bilan va gidroliz natijasida hosil bo'lgan H_2SO_4

kislotasi bilan birikishi sababli suvdagi HCO_3^- ionlarning konsentratsiyasi kamayadi. HCO_3^- ionlarining konsentratsiyasi kamayishi esa kaogulatsiya natijasida suvning bikarbonat ishqortligi kamayishiga olib keladi. Bunday o'zgarish quyidagi formulalar bilan isfodalanadi:



Ikkinchidan, suvda SO_4^{2-} ionlarining konsentratsiyasi qo'shilgan kaogulyantning dozasi miqdoriga oshadi. Bunday o'zgarish quyidagicha:

$$C_{SO_4} = C_{SO_4}^0 + \Omega D_k \text{ mg/kg}$$

Bunda: C_{SO_4} — suvdagi SO_4^{2-} ionlarining dastlabki konsentratsiyasi mg/kg;

D_k — kaogulant dozasi mg/kg;

Ω — kaogulant ekvivalent og'irligi.

Uchinchidan, suvdagi SiO_4^{4-} ionlarining konsentratsiyasi ham qisman kamayadi. Bu ionlarning konsentratsiya kamayishi quyidagicha topiladi:

$$C_{SiO_4} = 0.75C_{SiO_4}^0 \text{ mg/kg}$$

C_{SiO_4} — suvdagi SiO_4^{4-} ionlarining dastlabki konsentratsiyasi mg/kg.

To'rtinchidan, kaogulatsiya jarayonida suvdagi gumus va muallaq moddalarning kamayishi hisobiga suvning tiniqligi oshadi.

Beshinchidan, suvdagi organik moddalarning miqdori kamayishi hisobiga suvning oksidlansh holati kamayadi.

Ishning bajarilish tartibi va tajriba natijasi


Tajribani bajarish uchun bir xil hajmdagi 4 ta kolbaga 500 ml dan tabiiy suv solib, hamma kolbadagi suv 40°C gacha qizdirilgandan keyin birinchi kolbaga 4 ml, ikkinchi kolbaga 2 ml, xlorid kislotasining 0,1 n eritmasidan quyiladi. Uchinchi kolbaga 0,1 n natriy gidroksidi eritmasidan 5 ml, quyiladi. To'rtinchi kolbaga hech qanday eritma quyilmaydi. Kolbalarni aralashtirganimizdan keyin har bir kolbadagi eritmaning pH nini aniqlab, kolbalarga 5 mldan aluminiy sulfat $\text{Al}_2(\text{SO}_4)_3$ tuzining 1% li eritmasidan quyib, kolbalarni 5 daqiqa davomida aylanma harakat bilan aralashtirib, hosil bo'lgan cho'kmanning to'la cho'kishi uchun kolbalarni 45 daqiqa qo'zg'almaydigan joyga qo'yiladi.

Bu vaqt ichida tajriba uchun olingan suvning qattiqligi, ishqorliligi, oksidlanish jarayoni va undagi muallaq dag' al moddalarning miqdori aniqlanadi. 45 daqiqa o'tgandan keyin har bir kolbadagi tingan eritmani cho'kimadan alohida kolbalarga ajratib, eritma filtrlanadi. filtrlarda ajratgan cho'kmalarни bir necha marta distillangan suv bilan yuvilgandan keyin quritib, quritilgan cho'kmalarning og'irligi aniqianadi. Filtrlab ajratilgan eritmalarning ham pH ni, ishqorligi, qattiqligi va oksidlanish jarayoni aniqlangandan so'ng olingan natijalarni quyidagi jadvalga kiritiladi va aniqlangan natijalarga asoslanib har bir kolbadagi tajriba uchun olingan suvdan kaogulatsiya jarayoni qanday kechganligi aniqlanadi:

1.1 jadval

Tajriba uchun olingan suvlar	Ishqorliligi	Qattiqligi	Oksidlanish natijasi
I kolba			
II kolba			
III kolba			
IV kolba			

KROSSVORD



1. Suv tozalash kimyoviy sexining asosiy qurilmalaridan biri.
 2. Regeneratsiya jarayonidan so'ng qanday jarayon bajariladi?
 3. Kaogulatsiya jarayonini olib borishda qo'shiladigan birikmalar nomi.
 4. Qanday qurilma yordamida ta'minot suvining tarkibidagi agressiv gazlar olib tashlanadi?
 5. Sharoitga qarab o'z xususiyatini o'zgartiradigan moddalar.
 6. Filtrni qayta tiklash uchun ishlataladigan birikmalar nima deb ataladi?
 7. Filtrni qayta tiklash qanday jarayon deb ataladi?
 8. Regeneratsiya jarayonining birinchi bosqichi nima deyiladi?
 9. Suvlar tarkibidagi Ca^{2+} , Mg^{2+} kationlardan qanday metod bilan tozalash texnologiyasidan soydalaniladi?

1-tajriba ishini bajarish uchun ajratilgan vaqt 4 soat

Nazorat uchun savollar:

1. Suvni kolloid zarrachalardan tozalashda qanday moddalar ishlataladi?
 2. Aluminiy sulfat va temir sulfat tuzlari kaoguliant sifatida qanday farq qiladi?

3. Suvga kaogulant moddalari qo'shilganda suvdagi qanday moddalar cho'kmaga tushadi?
4. Suvni kaogulatsiya qilishda uning tarkibi qanday o'zgaradi?

2- TAJRIBA ISHI

CHO'KMA HOSIL QILISH METODI BILAN SUVNI YUMSHATISH

Ishning maqsadi

Bu tajriba ishida tabiiy suvlar tarkibidagi Ca^{2+} , Mg^{2+} kationlardan, cho'kma hosil qilish metodi bilan tozalash texnologiyasi ko'rsatilgan bo'lib, ishning maqsadi quyidagilardan iborat: suvdagi Ca^{2+} , Mg^{2+} kationlarini cho'ktirish protsesslarini har xil kimiyoviy moddalar ishtirokida olib borish; tajriba natijasini suvning umumiy qattiqligi va ishqorliligi o'zgarishi bilan tekshirish.

Nazariy qism

Suvdagi kalsiy va magniy ionlarining ularning suvda kam eruvchi birikmalarini hosil qilish yo'li bilan ularni cho'ktirish suvni cho'kma hosil qilish yo'li bilan yumshatish deviladi.

Suvdagi kalsiy va magniy ionlarini cho'ktirish ularning quyidagi kalsiy karbonat (CaCO_3) va magniy gidroksid (Mg(OH)_2) birikmalarini hosil qilishga asoslangan. Bunday cho'kmalarning hosil bo'lishi uchun suvning tarkibida karbonat (CO_3^{2-}) va gidroksid OH anionlarining konsentratsiyasini oshirish kerak. Buning uchun yumshatish kerak bo'lgan suvga kalsiy gidroksidi Ca(OH)_2 , natriy gidroksidi NaOH va natriy karbonat Na_2CO_3 moddalarining eritmalari qo'shiladi. Agar suvga Ca(OH)_2 eritmasi qo'shilsa, quyidagi reaksiyaga asosan:


ya'ni $\text{Ca(OH)}_2 \leftrightarrow \text{Ca}^{2+} + 2\text{OH}^-$ suvning tarkibida OH^- va Ca^{2+} ionlarining konsentratsiyasi oshadi. Suvda OH^- ionlari oshishi natijasida:

a) birinchidan, suvdagi bikarbonat $/HCO_3^-$ ionlarining karbonat $/CO_3^{2-}$ ionlariga aylanishi:

b) ikkinchidan, suvning tarkibidagi karbonat angidrid gazi $/CO/$ $/CO_2^-$ ionlariga aylanishi sodir bo'ladi:



Natijada suvda CO_3^{2-} ionlarining konsentratsiyasi oshadi va bu ionlar suvdagi Ca^{2+} ionlari bilan birikib, cho'kmaga yumshatilayotgan suvda $CaCO_3$ ionlarining konsentratsiyasi kamayishini ta'minlaydi:



Yumshatilayotgan suvda Mg^{2+} ionlarining konsentratsiyasi kamayishi quyidagi reaksiya natijasida sodir bo'ladi:



ya'ni $Mg(OH)_2$ chokmasi hosil bo'lishiga sabab magniy gidroksidining eruvchanlik ko'paytmasi magniy karbonatning $/Mg(CO_3)/$ eruvchanlik ko'paytasidan kichik bo'lganligidir.

Ohaklash metodi, ya'ni suvni $Ca(OH)_2$ eritmasi bilan yumshatish uchun suvning umumiyligi qattiqligi uning umumiyligi ishqorliligidan katta bo'lishi kerak: $I_{umu} < Q_{umu}$

Bunday metod bilan suvni yumshatganda, uning qattiqligi 2-3 mg gacha kamayadi. Ishqorliligi o'zgarishi esa quyidagi formula orqali aniqlanadi:

$$I = (0.7 - 1.0) - \alpha \quad (\text{mg ekv})/l$$

Bu formulada: $\alpha = Ca(OH)_2$ ning ortiqcha olimadigan miqdori bo'lib, 0,2-0,3 mg-ekv bo'ladi. Agar suvga Na_2CO_3 eritmasini qo'shsak, quyidagi reaksiya natijasida: $Na_2CO_3 \leftrightarrow 2Na^+ + CO_3^{2-}$ va CO_3^{2-} ionlari konsentratsiyasi oshishi natijasida suvda juda kam eriydigan $CaCO_3$ birikmasi hosil bo'ladi: $Ca^{2+} + CO_3^{2-} \rightarrow CaCO_3 \downarrow$

Agar suvni yumshatish kaogulatsiya jarayoni bilan birga olib borilsa, suvdagi kremliy SiO_4^{4-} ionlarining konsentratsiyasi ham qisman kamayadi. SiO_4^{4-} ionlarining kamayishi quyidagicha aniqlanadi:

$$G_{\text{Na}_2\text{O}} = 0.6C_{\text{Na}_2\text{O}} \text{ mg/kg}$$

Agar suvni yumshatish jarayoni suvgaga MgO qo'shish bilan olib borilsa, suvdagi SiO_2 ionlarining konsentratsiyasi 1 mg/kg gacha kamayadi.

1 litr suvni yumshatish uchun kerak bo'lgan $\text{Ca}(\text{OH})_2$ birikmasining miqdori quyidagicha topiladi:

$$G_{\text{CaO}} = 28(Q_k + Q_{\text{Mg}} + C_{\text{CO}_2} + X_{\text{CaO}}) \text{ mg/l}$$

Bunda suvdagi: Q_k – karbonatli qattiqlik;

Q_{Mg} – magniy qattiqligi;

C_{CO_2} – CO_2 konsentratsiyasi.

CaO ning ortiqcha olinadigan miqdori bo'lib 0.35 mg-ekv bo'ladi.

28 – CaO ning ekvivalent og'irligi.

1 litr suvni yumshatish uchun kerak bo'lgan natriy karbonat miqdori quyidagicha topiladi:

$$G_{\text{Na}_2\text{CO}_3} = 53(Q_{\text{Na}} + \alpha\text{Na}_2\text{CO}_3) \text{ mg/l}$$

Suvdagisi: Q_{Na} – nokarbonatli qattiqlik;

$\alpha\text{Na}_2\text{CO}_3$ – Na_2CO_3 ortiqcha olinadigan miqdori;

53 – Na_2CO_3 ekvivalent og'irligi.

Tajriba uchun olinadigan Na_2CO_3 , $\text{Ca}(\text{OH})_2$ eritmalarining miqdorini quyidagicha aniqlash mumkin:

$$I_{\text{Ca}(\text{OH})_2} = \frac{G_{\text{CaO}}}{C_{\text{CaO}}} \cdot \frac{V}{1000} \text{ ml.}$$

$$I_{\text{Na}_2\text{CO}_3} = \frac{G_{\text{Na}_2\text{CO}_3}}{C_{\text{Na}_2\text{CO}_3}} \cdot \frac{V}{1000} \text{ ml.}$$

Ya'ni eritmadagi $C_{\text{Na}_2\text{CO}_3}$, C_{CaO} , soda va kalsiy gidroksidning konsentratsiyasi.

V – tajriba uchun olingan suvning hajmi, ml.

Ishni bajarish tartibi va tajriba natijasi

Ishni bajarishdan oldin tajriba uchun olingen suvning umumiy karbonatli qattiqligi va gidratli ishqorligi aniqlanadi.

Tajriba uchun 1200–1500 ml suv olib, 70°C – 80°C temperaturagacha qizdiriladi va qizdirilgan suvni uchta kolbaga 400 ml dan quyib, kolbalardan biriga hisoblangan miqdorda $\text{Ca}(\text{OH})_2$ ikkinchisiga Na_2CO_3 va uchinchisiga $\text{Ca}(\text{OH})_2$ eritmalari aralashmasi qoshiladi. So'ng kolbalardagi aralashmani 80°C temperaturagacha isitilib, taxminan 1 soat davomida to'la cho'kma hosil bo'lishi uchun kolbalarni qo'zg'atmay turiladi, so'ng cho'kma yuzidagi tiniq eritmani sekimlik bilan ajratib olib, eritmalarning tarkibidagi umumiy, karbonatli, nokarbanatlari, magniyli qattiqligi va umumiy ishqorligi aniqlanib, olingen natijalarini tajriba uchun olingen suvning tarkibi bilan solishtiriladi va tajriba natijasida suvning qattiqligi qanchalik kamayganligini kuzatamiz.

Tajriba natijalari quyidagi jadvalga kiritiladi:

2.1-jadval

	Umumiy qattiqligi	Karbonatlari qattiqligi	Nokarbanatlari qattiqligi	Magniyli qattiqligi	Umumiy ishqorligi
Tajriba uchun olingen dastlabki suv eritmasi					
$\text{Ca}(\text{OH})_2$ bilan yumshatilgan suv					
Na_2CO_3 bilan yumshatilgan suv					
$\text{Ca}(\text{OH})_2$ va Na_2CO_3 bilan yumshatilgan suv					

Topshiriqni bajaring.

Charxpalak metodi

2.2-jadval

T/r	Qurilma va reagentlarning nomlari	IE Sning asosiy qurilmalari	IE Sning tayyorlash qurilmalari	Reagent va kimyoviy suv kaogulantlar
1.	Deaerator			
2.	Mekanik filtr			
3.	Reagent saqlaydigan baki			
4.	Kondensator			
5.	Kationitli filtr			
6.	Bug' turbinasi			
7.	NaCl			
8.	Kaogulant baki			
9.	H ₂ SO ₄			
10.	Dekarbonizator			
11.	Poliakrilamid			
12.	Anionitli filtr			
13.	NaOH			
14.	Iindirgich			
15.	Reagent nasosi			
16.	Aralash ionitli filtr			
17.	Bug' qozoni			
18.	Al ₂ (SO ₄) ₂			
19.	FeSO ₄			
10 - 13	ta tog'ri javob « qoniqarli »;			
11 - 14	ta tog'ri javob « yaxshi »;			
15 - 19	ta tog'ri javob « ka'loq ».			

2-tajriba ishini bajarish uchun ajratilgan vaqt 4 soat.

Nazorat uchun savollar:

1. Suvni cho'kma hosil qilib tozalashda qanday moddalardan foydalilanildi?
2. Suvga ohak eritmasi qo'shilganda suvdagi karbonat brikmalari qanday o'zgaradi?
3. Suvni ohak eritmasi bilan yumshatishda Ca^{2+} va Mg^{2+} kationlari qanday cho'kadi?
4. Suvni cho'kma hosil qilib tozalash jarayonida tarkibi qanday o'zgaradi?

3-TAJRIBA ISHI

SUVNI KATION ALMASHTIRISH USULI BILAN YUMSHATISH

Ishning maqsadi

By tajriba ishida tabiiy suvlar tarkibida uchraydigan kalsiy (Ca^{2+}), magniy (Mg^{2+}) va natriy (Na^+) kationlaridan qanday tozalash texnologiyasi ko'rsatilgan bo'lib, ishning maqsadi quyidagilardan iborat:


1. Suvni natriy va vodorod kationit filtrlari yordamida yumshatish;
2. Kationitlash natijasini suvning dastlabki va yumshatilgandan keyingi qattiqligi, ishqorliligi va kislotaligi o'zgarishi bilan tekshirish.

Nazariy qism

Kationitlar va ularning xossalari

Kationitlar deb. o'zining faol qo'zgaluvchan kationlarini suvning tarkibidagi kationlar bilan almashtirish xususiyatiga ega bo'lgan moddalarga aytildi.

Kationitlar suvda erimaydigan polimer moddalardan tayyorlangan bo'lib, ularning strukturni shemasini shartli ko'rinishda quyidagicha tasvirlash mumkin:



1-rasm. 1—kationitning qattiq sintetik smola (karkas) qisimi; 2—karkas bilan bog'langan funksional guruh; 3—kationitning almashinuvchi ionlari.

Kationitlar qattiq karkas atrofiagi qo'zg'aluvchan kationlarning xiliga qarab, natriy va vodorod kationtlarga bo'linadi. Kationtlarning shartli formulasini quyidagi ko'rinishda yozish mumkin: ya'ni RIK, bunda R — kationitning suvda erimaydigan murakkab qismining shartli belgisi, K — kationtlardagi almashinuvchi kation. Kationtlarda almashinuvchi kationlar natriy ko'rinishida bo'lsa, natriy kationit (RINA), agar almashinuvchi kationlar vodorod ko'rinishida bo'lsa, vodorod kationlar (RIH) deb ataladi. Suvni yumshatishda, kationit filtrlarda ishlataladigan filtrlovchi materiallarning suvni yumshatish xususiyatiga qarab, kationitlar kuchsiz va kuchli kislotali kationtlarga bo'linadi.

Kuchsiz kislotali kationit moddalardan sulfougol va KU-1 filtrlovchi materiallar sifatida birinchi pog'onali kationit filtrlarda, kuchli kislotali kationit moddalardan KU-2 va KU-8 esa ikkinchi pog'onali kationit filtrlarda filtrlovchi materiallar sifatida ishlataladi. KU-1, KU-2, KU-8 polimer moddalardan sintez qilingan sintetik

simolalar bo'lib, ular kuchsiz ishqorli va kuchsiz kislotali muhitlarda suvda erimaydi.

Kationitlarning asosiy sifat belgisi va ishlash qobiliyatini ularning kation almashtirish hajmi (E) katta yoki kichigligi bilan o'lehanadi. Kationitlarda E -ning qiymati o'zgarishi asosan suvda kation almashinish jarayonida sodir bo'ladigan quyidagi omillarga bog'liq, ya'ni filtrdan o'tayotgan suvning tezligiga, PH-muhitiga, suvdagi kationlarning miqdoriga, regeneratsiya qilish uchun ishlataladigan reagentning tabiatga hamda miqdoriga bog'liq bo'ladi.

Umuman, ionit filtrlarning ishlash jarayoni ikki bosqichdan iborat:

1-bosqich: filtrlash, ya'ni suvni yumshatish;

2-bosqich: filtrni regeneratsiya qilish, ya'ni filtrning ish qobiliyatini qayta tiklash.

Birinchi pog'onali kationit filtrlarda suvni filtrlash jarayonida Ca^{+2} , Mg^{+2} kationlari o'tishi boshlanishi bilan regeneratsiya qilish uchun ishdan to'xtatiladi.

Ikkinci pog'onali kationit filtr esa filtrlanayotgan suvdagi qattiq kationlarning umumiy miqdori 1 litrda 10 mkg-eky dan oshishi bilan regeneratsiyalash uchun to'xtatiladi.

Filtrni regeneratsiya qilish uchun quyidagi operatsiyalar ketma-ket bajariladi:

1-filtrlovchi materialni yayratish. Buning uchun 15-20 daqiqa davomida filtrning past qismidan tepa qismiga qarab suv o'tkaziladi. Yayratish natijasida filtrlovchi materiali o'zida ushlanib qolgan dag'al va mexanik moddalardan tozalanadi. Yayratish jarayoni filtrdan chiqayotgan suv tiniqlashishi bilan to'xtatiladi.

2-regeneratsiya eritmasini filtrdan o'tkazish. Bu operatsiyada tayyorlangan regeneratsiya eritmasini 10-15 m/s tezlik bilan filtrning yuqori qismidan pastki qismiga qarab to'g'ri oqim bilan o'tkazish jarayonida filtrda ushlanib qolgan ionlar regeneratsiya eritmasidagi ionlar bilan almashinish natijasida filtrning ish qobiliyatini qayta tiklanadi. Regeneratsiya eritmasini filtrdan o'tkazish jarayoni filtrdan o'tayotgan eritmaning konsentratsiyasi dastlabki holatdagidek o'zgarmay qolganda to'xtatiladi.

3-yuvish - regeneratsiya jarayoni tugashi bilan filtrdan 10-15 daqiqa davomida toza suv to'g'ri oqim bilan, filtrlovchi moddarining tarkibida ushlaniib qolgan regeneratsiya eritmasidan tozalash uchun bajariladi.

Suvni Na-kationlash bilan yumshatish




Suvni Na-kationlash deb, suv tarkibidagi kationtlarning Na-kationit filtrlardagi Na-kationi bilan almashinish holatiga aytildi.

Na - kationitli filtrlar ikki pog'onali bo'lib, birinehi pog'onali filtrlarda filtrlovchi material sifatida kuchsiz kislotali (sulfougal, KU-1), ikkinchi pog'onali filtrlarda esa, kuchli kislotali filtrlovchi materiallar (KU-2, KU-8) ishlataladi.

Na-kationtlarda kation almashish jarayonini quyidagicha vozish mumkin:



yoki molekular ko'rinishda:




Suvni Na-kationlash natijasida suvning umumiy qattiqligi litrda 10 mkg-ekv gacha kamayadi. Umumiy ishqorliligi va tarkibidagi tuz miqdori esa biroz oshadi.

Suvning umumiy ishqorliligi oshishi, kation almashish jarayonida suvda Na-kationlarning konsentratsiyasi oshishi natijasida sodir bo'ladi, chunki Na-kationning ishqorliligi Ca^{2+} yoki Mg^{2+} kationining ishqorliligidan yuqoridir.

Yumshatilgan suvda tuz miqdorining oshishi esa kation almashishi jarayonida suvdagi bir atom Ca^{2+} yoki Mg^{2+} kationlari, kationitdagi ikki atom Na-kationi bilan almashishi, ya'ni 20 g-ekv. Ca^{2+} yoki 12, 15 g-ekv. Mg^{2+} orniga 46 g-ekv Na-kationi suvg'a o'tishi natijasida sodir bo'ladi.

Birinchi pog'onali Na-kationit filtrlarni regeneratsiya qilish uchun, 4–6% li eritmasi, ikkinchi pog'onali Na-kationit filtrlar uchun esa 6–8 % li NaCl eritmasi filtrlovchi material qatlamidan o'tkaziladi.

Regeneratsiyalash natijasida, filtrdagи Ca²⁺ va Mg²⁺ kationlari NaCl eritmasidagi Na kationlari bilan almashinadi.



Regeneratsiyalash natijasida hosil bo'lgan CaCl₂ va MgCl₂ tuzlari suvda yaxshi eriganligi uchun, bu tuzlar filtrdan o'tayotgan regeneratsiya eritmasi bilan birga filtrdan oson chiqib ketadi.




Suvni H-kationlash bilan yumshatish

Suvni yumshatish uchun ishlataladigan H-kationli filtrlar ham Na-kationli filtrlar kabi ikki pog'onali bo'ladi. Birinchi pog'onali filtrlarda filtrlovchi material sifatida kuchsiz kislotali, ikkinchi pog'onali filtrlarda esa kuchli kislotali filtrlovchi materiallar ishlataladi.

H-kationlarda kotion almashinish natijasida suvni yumshatish jarayonini quyidagicha yozish mumkin:



Yoki molekular ko'rinishda:



Suvni H-kationlash natijasida suvning qattiqligi litrida 10 mg-ekv gacha kamayib, suv tarkibidagi (CaCl₂, MgCl₂, CaSO₄, MgSO₄) tuzlar filtrda kuchli kislotalarga (HCl, H₂SO₄) aylanishi natijasida H-kationli suvning kislotalilik xususiyati oshadi.

Shu sababli H-kationitli suvni issiqlik elektrostantsiyalarda ishlatib bo'lmaydi. H-kationitli suvning kislotali xususiyatini yoqotish uchun, suv tayyorlash uskunalarida ularni anionitli filtrlardan o'tkaziladi.

H₃-kationitli filtrlarni regeneratsiya qilish uchun, asosan, H₂SO₄ ning suyultirilgan eritmasi ishlataladi.

Birinchi pog'onalni H₃-filtrlarning regeneratsiyasi ikki bosqichda olib boriladi:

1-bosqichli H₃-filtrlarda ushlanib qolning kationlarning asosiy qismi filtrlardan CaSO₄, MgSO₄ holatida sulfat kislotaning 1-1,5 % li eritmasi bilan filtrdan chiqarib tashlanadi. Naijada bu (CaSO₄, MgSO₄) tuzlar suvda kam eritilanligi sababli filtr qatlamida "gipspanish" qattiq moddalar hosil bo'lib qolish imkonii sodir bo'lmaydi. So'ngra regeneratsiya natijasi to'la bo'lishi uchun 2-bosqichda H₃-kationit filtrlarning regeneratsiyasi 2-4 % li H₂SO₄ kislotasi bilan olib boriladi.

Ikkinci bosqichli H₃-kationit filtrlarni esa to'g'ridan to'g'ri 4-5% li (H₂SO₄) kislotasi bilan regeneratsiyalab, uning kation almashtirish xususiyati qayta tiklanadi.

H₃-kationitli filtrlarda regeneratsiya jarayoni quyidagi reaksiyalar natijasida sodir bo'ladi:



Ko'pgina suv tayyorlash uskunalarida regeneratsiya uchun sarflanayotgan kislotani tejash maqsadida ikkinchi pog'onalni H₃ filtrning regeneratsiyasidan chiqqan kislota erimasini birinchi pog'ona H₃-filtrlarni regeneratsiya qilish uchun ishlataladi.

Regeneratsiya uchun sarflangan kislota miqdorini topish uchun:

-filtrdagи kationitning hajmi topiladi: $V = \pi r^2 h$

bunda: h – kationitning (hajmi) qiymatining balandligi;

r – filtrning radiusi;

-100% li sarflangan kislota miqdori topiladi:

$$Q_{\text{filtr}}^{\text{max}} = dV$$

bunda: d – kislotaning solishtirma sarfi bo'lib, filtrlovchi materialga qarab jadvaldan tanlanadi.

H₂SO₄ ning yuqori konsentratsiyasi 96% li bo'lganligi uchun 96% kislotaning miqdori

$$Q_{H,SO_4}^{96\%} = \frac{Q_{H,SO_4}^{100\%} \cdot 10^2}{96 \cdot d}$$

bunda: $d = 96\%$ li kislotalaning zichligi.

2% li kislotalaning miqdori esa:

$$Q_{H,SO_4}^{2\%} = \frac{Q_{H,SO_4}^{96\%} \cdot 100}{2 \cdot d}$$

bunda: $d = 2\%$ li kislotalaning zichligi.

Ishni bajarish tartibi

Tajribani bajarish uchun tajriba qurilmasida quyidagi 4 ta operatsiya ketma-ket bajariladi:

1-operatsiya filtrni yayratish. Na – bunda filtrning past qismidan yuqoriga qarab yumshatilgan suv o'tkaziladi. Yayratish uchun sarf bo'lgan suv miqdori, yayratish vaqtini aniqlanadi hamda yayratish uchun ishlataligan suvning dastlabki va keyingi umumiy qattiqligi (Q_{um}) ishqorliligi (I_{um}) va kislotaliligi aniqlanadi.

2-operatsiya regeneratsiyalash. buning uchun 2% li kislota eritmasini to'g'ri oqim bilan 60–70 ml/min tezlikda filtr yuqorisidan pastga qarab o'tkaziladi, o'tkazilayotgan regeneratsiya eritmasini 200 ml li kolbalarga 200 ml dan qilib yig'ib, har bir eritmaning Q_{um} , I_{um} va kislotaligi o'zgarishini tajribada aniqlab, regeneratsiya boshlanish va tugash vaqtini qayd qilib boriladi.

3-operatsiya filtrni yuvish. bunda filtr qatlamidan o'tayotgan suvning kislotaliligi o'zgarmay qolguncha filtrni yumshatilgan suv bilan yuvib, yuvish natijasida chiqayotgan suvni ham 200 ml li kolbalarga yig'ib, yig'ilgan har bir kolbadagi suvning Q_{um} , I_{um} va kislotaliligi aniqlanadi.

4-operatsiya suvni filtrlash (yumshatish). bunda filtrlanayotgan suvni 400 ml li kolbalarga yig'ib, filtrlanayotgan suvda kislotalaning miqdori $0,5$ mg-ekv/kl dan pasayishi bilan filtrlash jarayoni to'xtatiladi. Filtrlash boshlanishi va tugash vaqtini yozib olinadi. Yumshatilgan suvning miqdori qayd qilinib, yig'ilgan har bir

kolbadagi filtratning Q_{un} , t_{un} va kislotalilik xususiyati aniqlanadi. So'ngra barcha olingan va aniqlangan natijalarни quyidagi jadvalga kiritiladi.

Filtnga ketgan umumiy suv miqdori quyidagi formula bilan topiladi.

$$Q_4 = Q_2 + Q_p + Q_{\text{re}} \quad (\text{ml})$$

Yuqoridagi operatsiyalarni bajarish uchun ketgan vaqt $t = t_2 - t_p - t_{\text{re}}$ formula bilan topiladi.

3.1-jadval


Tajriba	Filtr	Umumiy	Kislotaliligi		
		t/r	hajmi	$Q + 1$	1
1	Tajriba uchun olingan suv				
2	Yayratishning boshlаниш вақти				
3	Yayratishni tugatish вақти				
4	Regeneratsiyani boshlаниш вақти				
5	Regeneratsiyani tugatish вақти				
6	Yuvishning boshlаниш вақти				
7	Yuvishni tugatish вақти				
8	Filtrlashning boshlаниш вақти				
9	Filtrlashni tugatish вақти				

Filtrlash jarayонида F ning o'zgarishi quyidagi formuladan topiladi.

$$F = \frac{I + Q}{v} \cdot Q; \quad \frac{g \cdot ekr}{m^2}$$

bunda: v – filtrlangan suvning hajmi. Tajriba orqali olingan natijalar asosida quyidagi grafik chiziladi.

KROSSVORD



1. H-slarga suv tayyorlash maqsadida qo'llaniladigan asosiy qurilmaning nomi.
2. Qanday filtrlar suvni yumshatish uchun ishlataladi.
3. Qanday filtrlar suvni tuzsizlantirish uchun ishlataladi.
4. Filtrning ish qobiliyatini tiklash jarayoni qanday nima deb nomlanadi?
5. Suvning sifat ko'rsatkichlaridan biri (Ca^{2+} , Mg^{2+} ionlari bilan aniqlanadi).

3-tajriba ishini bajarish uchun ajratilgan vaqt 4 soat

Nazorat uchun savollar:

1. Kuchli va kuchsiz kislotali kationitlarning bir-biridan farqi.
2. H-kationit va Na-kationit filtrlarning bir-biridan farqi.
3. Na-kationitli filtrlarda suvning sifat o'zgarish xususiyati.
4. Na - kationit filtrlarni regeneratsiya qilish vaqt va tartibi.
5. H₊ va H₂-kationit filtrlarni regeneratsiya qilish vaqt va tartibi.
6. Tajribani o'tkazish tartibi va suvning $Q_{\text{нр}}$, $I_{\text{нр}}$ hamda kislotaliligini aniqlash metodikasi.


4-TAJRIBA ISHLASH SUVLARNI ANION ALMASHTIRISH USULI BILAN TUZSIZLANTIRISH

Elektrostansiyalarda bug' generatorlarining parametrlari ortib borishi bilan uni ta'minlovchi suvning sifatiga bo'lgan talab ortib boryapti. Shu qatorda suvning sifatiga bo'lgan talab ham ortyapti. Shuning uchun hozirgi paytda yuqori prametrli bug' generatorlarda yo'qotgan bug'ni qoplash uchun qo'shimcha suv murakkab sxemalar bo'yicha tayyorlanadi.

Anionitlar va ularning xossalari

Anionitlar deb o'zining faol qo'zg'aluvchan anionlarini suvning tarkibidagi anionlar bilan almashtirish xususiyatiga ega bo'lgan moddalarga aytildi.

Anionitlarning struktura sxemasini quydagicha tasvirlash mumkin:



2-rasm. 1-anioniting qattiq sintetik smola (karkas) qismi; 2-karkas bilan bog'langan funksional guruh; 3-anioniting almashinuvchi ionlari.

Anionlar molekulasiда quydagi faol funksional guruqlar uchraydi. birlamechi $/-\text{NH}_2/$, ikkilamechi $/-\text{N}(\text{H})_2/$, uchlamechi $/-\text{N}^+(\text{H})_3/$ aminoguruqlar hamda to'itlamchi ammoniy guruhi $/-\text{N}^+(\text{R})_3/$. Bu guruqlar anionitlarning asosiy xossalariни namoyon qilib, aminoguruqlar kuchsiz asosiy va amoniylar esa kuchli asosli va kuchsiz asoslitarga bo'lindi.

Kuchsiz asosli anionitlar faqat kislotali muhitda ion almashtirish xususiyatiga ega. Kuchli asosli anionitlar esa kislotali muhitda qanday ion almashsa, neytral va asosli muhitda ham shunday ion almashadi.


Anionitlarning qisqartirilgan formulasini quyidagicha yozish mumkin: RIA

bunda: R – suvda erimaydigan murakkab radikal bo'lib, Ivalentli murakkab kationning shartli belgisidir. Uning tarkibida funksional guruh ham bo'ladi.

A – anionitning almashinuvchi anioni.

Anionitning asosiy sisfi belgisi uning ion almashtirish hajmidir. Suvning pH ko'rsatkichi qancha kam bo'lsa, ya'ni kislotaliligi qancha ko'p bo'lsa, anionitning ion almashtirish xususiyati ham shuncha ko'p bo'ladi.

Kuchli asosli anionitlar tuzsizlantirish sxemalarida suvni kremniysizlash uchun ishlataladi. Shuning uchun uning ion almashtirish xususiyati "kremniy almashtirish hajmi", deb 1 m^3 bo'lgan anionitning suv tarkibidan oлган g ekv hisobidagi anionlarning miqdoriga aytildi.




3-rasm. Filtrning tuzilishi.


Kuchsiz asosli anionitlardan AN-2F; AN-18; AN-31 va kuchli asosli anionitlardan AV-17 anionitlash sxemalarida ko'proq ishlataladi. Suv anionit qatlamidan filtrlaganda (o'tkazilganda), tarkibidagi

anionlar anionitning qo'zg'aluvechan anionitlari bilan almashinsa, bunday jarayon anionitlash deviladi.

Kuchsiz asosli anionitlar o'zining faol almashinuvchi ionlarini faqat kuchli kislotalarning anionlariga almashadi; ya'ni (SO_4^{2-} , NO_3^- , Cl^-).




Molekula holatida kislotali suvni anionitlash jarayonini quyidagiicha yozish mumkin:



Kuchsiz asosli anionitlarning har xil anionlarni yutish xususiyati bir xil emas. ularning ko'pchiligi uchun quyidagi qator haqqoni ydir: $SO_4^{2-} > NO_3^- > Cl^-$. Bu qatorda har bir oldingi anion o'zidan keyingi anionga qaraganda faolroq va ko'proq miqdorda yutiladi. Shuning uchun tuzsizlantirish sxemalarida birinchi pog'onadagi anionit filtrlar, filtratda Cl^- ioni miqdori, filtr normal ishlab turgandagi Cl^- ioni miqdoriga qaraganda 1–2 mg/kg ga ko'p bo'lганда birinchi pog'onani anionit filtrlar regeneratsiya qilish uchun to'xtatiladi.

Kuchli asosli anionitlar suvdagi hamma kuchli va kuchsiz kislota aniolarini almashtirish xususiyatiga ega. Lekin bu anionitlar juda qimmat bo'lGANI sababli, ular suvni kremlniydan tozalash uchungina qo'llanildi.



Natijada suvdagi kremlniyning miqdori 20 mkg/kg va undan ham kam miqdorgacha kamayadi. Agar suvda kremlniy ionlari, kremlniy tuzlari ko'rinishida bo'lsa, suvni kremlnisiylantirish jarayoni tezlashadi.





Kremniy tuzlari bo'lgan suv anionitli filtrdan o'tkazilganda suvda OH qarshi ionlari paydo bo'ladı. Bu qarshi ionlar kremniy kislotasi anionlarining anionit tomonidan yutilishini susaytiradi. Anionit funksional guruhdagi anionlarni suvning anionlariga almashishidan keyin, uning anionlarni yutish xususiyati kamayadi. Shundan so'ng anionitli filtr regeneratsiya qilish uchun ishdan to'xtatiladi. Ikkinci pog'onadagi anionit filtrlari esa, filtratdagi SiO_4^{4-} ionlarining miqdori 200 mkg/kg va undan ortiq bo'lganda regeneratsiyalash uchun ishdan to'xtatiladi.

Anionit filtrlarning ishlash jarayoni to'rtta operatsiyadan iborat: Yayratish, regeneratsiya qilish, yuvish va filtrlash.

1. Yayratish, yopishib qolgan ionit qavatlari va donachalarini bir-biridan ajratish, maydalaniq ketgan ionitni va ionit qatlamlaridagi ifloslarni chiqarib tashlash uchun bajariladi. Buning uchun suv filtrga suv pastdan yuqoriga qarab qarshi oqim bilan yuboriladi.

2. Regeneratsiyalash anionitning ion almashtirish xususiyatini tiklash o'tkaziladi. Birinchi pog'onadagi anionit filtrlari (Δ) 2% li ikkinchi pog'onadagi anionit filtrlari Δ_2 (4-6 % li NaOH) eritmasini anionit qatlamlaridan sekin o'tkazish bilan olib boriladi. Bu filtrlarni regeneratsiyalash uchun yana Na_2CO_3 , $NaHCO_3$, NH_4OH eritmalarini qo'llash ham mumkin. Regeneratsiyalash jarayoni quyidagi reaksiyalar bo'yicha o'tkaziladi:



$NaHCO_3$ va Na_2CO_3 eritmalarini kuchli asosli anionitlarni regeneratsiyalash uchun ishlatish mumkin emas, chunki ular anionitni to'la va chuqur regeneratsiyalay olmaydi, ya'ni suvni anionitlashda qarshi ionlar miqdorini oshiradi, bu esa anionitning ion almashish hajmini kamaytiradi.

Regeneratsiyalash uchun ishqorning nisbiy sarfi uning stexiometrik sarfiga qaraganda 2 marta ko'p bo'ladi, ya'ni 2 g-ekv ga ko'p bo'ladi.

Ishni bajarish tartibi

Ishni bajarish uchun 4 ta operatsiya o'tkazamiz.

A. Yayratish – bunda distillangan suv filtrdan pastdan yuqoriga qarab o'tkaziladi. Filtrdan chiqayotgan suv tiniqlashganda yayratish to'xtatiladi, yayratishga sarf bo'lgan suv miqdori va qancha vaqt ketgani yoziladi.

B. Regeneratsiyalash – 200 ml 2–4 %li NaOH ning eritmasi filtrdan 60–70 ml/min tezlikda yuqoridan pastga (to'g'ri oqim) qarab o'tkaziladi. Regeneratsiya tugaguncha stakanlarga 150 ml dan regenerat to'planadi. Regeneratsiyalash uchun sarf bo'lgan vaqt yoziladi. Regeneratlarning gidroksidli va umumiy ishqoriyligi aniqlanadi. Regeneratsiyalashga sarf bo'lgan eritmaning miqdori yoziladi.

D. Yuvisht – regeneratsiyalash tugashi bilan, anionitni yuvisht uchun filtrga 60 – 90 ml/min tezligida to'g'ri oqimda H-kationitlangan suv o'tkaziladi. Stakanlarga 250 ml dan yuvilgan suv yig'iladi, har bir porsiyadagi suvning gidroksidli va umumiy ishqoriyligi aniqlanadi. Yuvilgan suvning umumiy ishqoriyligi 100 mkg-ekv/kg ga teng bo'lganda, ionit yuvishtdan to'xtatiladi va yuvishtga ketgan vaqt hamda sarf bo'lgan suv miqdori hisoblanadi.


E. Filtrlash – bunda H-kationitlangan suv filtrga to'g'ri oqim bo'yicha yuboriladi.

Filtrat 300 ml dan stakanlarga yig'iladi va unda umumiy ishqoriylilik miqdori aniqlanadi. Filtrdagagi ishqoriylilik miqdori filtr normal ishlayotgandagiga qaraganda 1–3 mg/kg ga ko'p bo'lganda filtrlash to'xtatilib, regeneratsiya qilinadi. Filtrlashga ketgan vaqt hisoblanadi. Ishning natijalari quyidagi jadvalga yoziladi:


Tr	Operatsiya raqami	Namuna etgan vaqt	Davom etgan vaqt	Suvning sarfi	Konsen- tratsiya	Ishqoriylik gidrok- sidli
1	1	1	1	1	1	1

Tajriba natijalarini hisoblash

Tajriba natijalariga asoslanib regeneratsiyalash, yuvish va suvning filtrdan chiqishida sifati qanday o'zgarganini grafik orqali ifodalaymiz:



Amaliy ko'nikma



4-tajriba ishini bajarish uchun ajratilgan vaqt 4 soat.

Nazorat uchun savollar:

1. Suvni tuzlardan tozalashda qanday filtrlar ishlataladi?
 2. Δ_1 va Δ_2 filtrlar qanday farq qiladi?
 3. Δ_1 va Δ_2 filtrlar qanday regeneratsiya qilinadi?
 4. Suvni Δ_1 va Δ_2 filtrlar yordamida tozalashda tarkibi qanday o'zgaradi?

Foydalanilgan adabiyotlar

1. Yusupaliyev R.M. Issiqlik eletktr stansiyalarida suv tayyorlash texnologiyasi.-T.:2003.
2. Yusupaliyev R.M. Issiqlik eletktr stansiyalarida suv tayyorlash texnologiyasi va texnikasi.-T.: Cho'lpion 2006.
3. Очков М.С. Водон подготовка.-М.: МЭИ 2003.
4. Абрамов А.И. и др. Повышение экологической безопасности ТЭС.-М.: МЭИ 2002 .

Mundarija

1-tajriba ishi. Tabiiy suvlarni kalloid va dag' al zarrachalardan koagulatsiya yo'li bilan tozalash.....	3
2-tajriba ishi. Cho'kma hosil qilish metodi bilan suvni yumshatish.....	10
3-tajriba ishi. Suvni kation almashtirish usuli bilan yumshatish.....	15
4-tajriba ishi. Suvlarni anion almashtirish usuli bilan tuzsizlantirish.....	24
Foydalilanilgan adabiyotlar	31

Muharrir Ziyadov A.

Musahhih Dexkanova Sh.

1. A. va Sh.ning aqida va mazsalalarini qayd etdi.

2. "Suvni kation almashtirish usulida tozalashda narkotiklar uchun yaroqchi bo'lganligi"

Bosishga ruhsat etildi 02.07.2013 y. Bichimi 60x84 1/16.
Shartli bosma tabog'i 2,1. Nusxasi 50 dona. Buyurtma № 363.

TDTU bosmaxonasida chop etildi. Toshkent sh,

Talabalar ko'chasi 54. tel: 246-63-84.